

Тэдэнд гэртээ харихад нь тусал

Тэргүүн Зөвлөлийн Нэгдүгээр зөвлөх

Ерөнхийлөгч Хенри Б.Айринг

Бид Бурханы хүүхдүүдийг бага байхад нь Есүс Христэд болон Түүний сэргээгдсэн сайн мэдээнд итгэх итгэлийг төлөвшүүлэх арга замуудыг хангаж өгснөөр тэдэнд хамгийн сайнаар тусалж чадна.

Ах эгч нар аа, Тэнгэрлэг Эцэг маань сүнсэн хүүхдүүдээ гэртээ Өөр дээрээ ирүүлэхэд бидний тусламжийг хүсдэг бас энэ туламж Түүнд хэрэгтэй байдаг. Аль хэзээний Түүний үнэн Сүмд байгаа, тиймээс Тэнгэрлэг гэртээ буцаж очих нарийн бөгөөд шулуун зам дээр гарчихаад байгаа залуу хүмүүсийн талаар би өнөөдөр ярьж байна. Тэнгэрлэг Эцэг тэднийг зам дээр үлдэх сүнслэг байдлын хүч чадлыг бага байхаасаа олж аваасай гэж хүсдэг. Хэрвээ тэд төөрч эхлэх юм бол тэднийг зам дээр нь даруйхан буцааж гаргахад бидний тусламж Түүнд хэрэгтэй байдаг.

Би залуухан бишоп байхдаа, хүүхдүүдийг бага байхад нь төлөвшүүлж, даруйхан аврахыг биднээс Их Эзэн яагаад хүсдэгийг тодорхой харж эхэлсэн билээ. Өнгөрсөн олон жилүүдэд миний туслахаар хичээж зүтгэж байсан олон залуусыг төлөөлөх нэг хүний түүхийг би та нарт ярья.

Тэр эмэгтэй бишопын ширээний нөгөө талд сууж байлаа. Тэр амьдралынхаа талаар надад ярьж байлаа. Найман настай байхдаа Сүмд баптисм хийлгэн, гишүүнээр батлагдсан байлаа. Тэр явдлаас хойших 20 гаруй жилийн талаар ярихдаа тэрээр нүдэндээ нулимстай байгаагүй ч, дуу хоолой нь гунигаар дүүрэн байлаа. Тэрээр хөгжилтэй хүмүүс гэж өөрийнхөө бодсон хүмүүстэй нөхөрлөх сонголтыг хийснээс нүгэл үйлдэх уруудалтын зам нь эхэлсэн аж. Тэрээр эхэндээ тийм ч чухал биш гэж өөрт санагдсан зарлигуудыг зөрчиж эхэлсэн гэнэ.

Эхлээд тэрээр бага зэрэг гуниг, өчүүхэн төдий гэмшлийг мэдэрсэн аж. Гэхдээ найз нартайгаа нөхөрлөснөөр тэд өөрт нь таалагддаг мэт санагдаж, улмаар наманчлах нь тийм ч чухал зүйл биш мэт санагдах болсон гэнэ. Зарлигуудыг зөрчих нь илүү ноцтой болох тусам, аз жаргалтай мөнхийн гэр орны мөрөөдөл нь холдон бүдгэрч байлаа.

Тэрээр ширээний нөгөө талд зовлонг байдал гэж өөрийн нэрлэсэн тэр байдалдаа сууж байв. Тэрээр хүлэгдсэн нүглийн хүлээснээс аврахыг надаас хүссэн юм. Гэвч энэхүү нүглийн хүлээснээс мултарч чадах цорын ганц арга зам нь, Есүс Христэд итгэх итгэлээ бодитой болгон, харууссан зүрхтэй байж, наманчлан, тэгснээр ариусгагдан, өөрчлөгдөж, Их Эзэний Цагаатгалаар дамжуулан бат бөх итгэлтэй болох явдал байлаа. Энэ нь боломжтой зүйл учраас би түүнтэй гэрчлэлээ хуваалцсан юм. Мөн энэ нь үнэхээр боломжтой байсан, гэвч энэ нь, Бурхан уруу гэртээ буцаж очих амьдралын аяндаа эртнээс, ялангуяа төөрч эхлэхдээ л итгэлийг бодитой болгож эхэлсэн бол ямар байх байсан түүнээс илүү хэцүү байдалд байлаа.

Тиймээс, хүүхдүүдийг бага байхад нь Есүс Христ болон Түүний сэргээгдсэн сайн мэдээнд итгэх итгэлийг нь бататган төлөвшүүлэх арга замыг бэлтгэснээр бид Бурханы хүүхдүүдэд хамгийн сайнаар тусалж чадна. Хэрэв тэд замаас гажиж эхлэх юм бол тэр даруйд итгэл нь мөхөхөөс өмнө итгэлийг нь сэргээж бат бөх болгоход туслах хэрэгтэй.

Тиймээс, Бурханы аялагч хүүхдүүдэд туслах байнгын боломж та бидэнд олдоно. Бидэнд сатан болон гэм нүглийн бий болгодог манан дунд Бурханы сүнсэн хүүхдүүдийн гэртээ буцаж очих аюул осол ихтэй аяны талаар болон яаж тэдэнд туслахыг Аврагч тайлбарлаж өгсөн юм.

“Та нар давчуу хаалгаар орогтун; учир нь устгалд хөтлөх тэр зам уужим, мөн хаалга нь өргөн, мөн түүгээр ордог нь олон байдаг. Учир юун гэвэл амьдралд удирдах тэр хаалга давчуу, мөн зам нь нарийн, мөн үүнийг олдог нь цөөхөн байдаг.”¹

Тэнгэрлэг Эцэг хүүхдүүдийнхээ хэрэгцээг урьдчилан хараад, туслагчдыг болон удирдамжуудыг зам дээр нь нигүүлсэнгүйгээр байрлуулсан билээ. Тэрээр аюулгүй аян замыг бий болгохын тулд мөн түүнийг харах боломжтой байлгахын тулд Өөрийн Хүү Есүс Христийг илгээсэн юм. Тэрээр өнөө үед Ерөнхийлөгч Томас С. Монсонг бошиглогчоороо дуудсан билээ. Залуу байхаасаа л, Ерөнхийлөгч Монсон зам дээр хэрхэн үлдэхийг төдийгүй гай зовлон уруу хөтлөгдсөн хүмүүсийг хэрхэн

аврахыг зааж байна.

Тэнгэрлэг Эцэг маань бусдыг бэхжүүлэх хэрэгтэй үед аялагчдыг аюулгүйгээр удирдах олон янзын ажил үүрэгт биднийг хуваарилдаг юм. Бидний хүлээн авдаг хамгийн чухал, хариуцлагатай үүрэг нь гэр бүлд маань байдаг. Хүүхдийн амьдрал эхлэхэд хөлийг нь тэнгэрлэг гэртээ эргэж очих зам дээр баттай тавих боломж гэр бүлд байдаг учраас энэ нь маш чухал юм. Эцэг эх, ах эгч нар, өвөө эмээ нар, авга, нагац, үеэлүүд нь, гэр бүлийн хэлхээ холбоо болох хайраар хүрээлэгдсэн байдаг учраас илүү хүч нөлөөтэй удирдагч, хөтөч нь байж чаддаг.

Хүүхдийн амьдралын эхний найман жилд тухайн гэр бүлийн хувьд онцгой нэгэн давуу тал байдаг. Анхаарал халамжаар дүүрэн байдаг тэдгээр жилүүдэд, Есүс Христийн Цагаатгалын улмаас, гэртээ харих замыг нь төөрөлдүүлэх харанхуйн хүч Сатанд байдаггүй. Тэдгээр үнэт жилүүдэд, хүүхдүүдийг сүнслэг байдлын хувьд бэхжүүлэхийн тулд Хүүхдийн Хэсгийн ажилтнуудыг дуудсанаар Их Эзэн гэр бүлүүдэд тусалдаг. Түүнчлэн Тэрээр ариун ёслолыг гүйцэтгүүлэхээр Аароны санваартнуудаар хангаж өгдөг. Ариун ёслолын залбиралд, хэрвээ тэд Бурханы зарлигуудыг дуулгавартай дагаваас Бурханы Сүнс тэдэнтэй хамт байх болно гэдэг амлалтыг хүүхдүүд сонсдог. Үүний үр дүнд, тэд уруу таталтыг сөрөн зогсохоор бат бөх болдог бөгөөд хожим хэтийн нэгэн цагт бусдыг аврахаар явцгаах болно.

Сүмийн олон бишоп тойргийн хамгийн бат бөх итгэлтэй хүмүүсийг Хүүхдийн Хэсгийн хүүхдүүдтэй ганцаарчлан ажиллаж, тэдэнд үйлчлүүлэхээр дууддаг. Хэрвээ хүүхдүүд бат бөх итгэл, гэрчлэлтэй болох юм бол өсвөр насанд нь тэднийг аврах хэрэгцээ бага байх болно гэдгийг бишопууд мэддэг. Бат бөх сүнслэг байдлын үндэс суурь нь амьдралд өөрчлөлт гаргаж болохыг тэд мэддэг.

Бид бүгдээрээ тусалж чадна. Өвөө, эмээ нар, хэн нэгэн хүүхдийг таньдаг гишүүн болгон тусалж чадна. Туслахын тулд Хүүхдийн Хэсэгт албан ёсоор дуудагдсан байх шаардлагагүй. Энэ нь хэдэн настайгаас чинь ч хамаарахгүй. Нэгэн эмэгтэй, арай залуу байхдаа Хүүхдийн Хэсгийн ерөнхий удирдлагын зөвлөлд байсан бөгөөд “Зөвийг Сонго” гэсэн уриаг бий болгоход тусалсан юм.

Тэрээр хүүхдүүдэд үйлчлэхээсээ хэзээ ч залхаагүй юм. Тэрээр тойргийнхоо Хүүхдийн Хэсэгт, хүсэлтээрээ бараг 90 нас хүртлээ үйлчилсэн юм. Бяцхан хүүхдүүд өөрсдийг нь хайрладаг түүний хайрыг мэдэрдэг байлаа. Хүүхдүүд түүний үлгэр жишээг харж, дагадаг байлаа. Тэд түүнээс Есүс Христийн сайн мэдээний энгийн зарчмуудыг мэдэж авдаг байсан. Хамгийн чухал нь, түүний үлгэр жишээнээс, тэд Ариун Сүнсийг таньж, мэдэрч сурсан байлаа. Тэд тийнхүү сурснаар , уруу таталтыг сөрөн зогсох итгэлийн зам дээр баттай гарсан юм. Тэднийг хожим нь аврах шалтгаан бага гарсан ажээ. Мөн тэд бусдыг аврахаар явахад бэлтгэгдсэн байв.

Хүүхдүүд маань жаахан байхад би залбирал болон Ариун Сүнсэнд итгэх энгийн итгэлийн хүч чадлыг сурч авсан билээ. Манай том хүү баптисм арай хүртээгүй байлаа. Аав ээж хоёр нь, Хүүхдийн хэсгийн багш нар болон санваартан үйлчлэгчид, Сүнсийг мэдэрч, таньдаг болоход нь мөн хэрхэн Их Эзэний тусламжийг авахыг түүнд зааж өгөхийг хичээж байлаа.

Нэг өдөр, эхнэр маань хүүдээ уншихыг заадаг байсан нэг эмэгтэйн гэрт хүргэж өгөв. Би ажлаасаа гэртээ харих замдаа хүүгээ очиж авна гэж бодож байлаа.

Хичээл нь бидний санаснаас арай эрт гарсан байлаа. Тэр гэртээ харих замаа мэднэ гээд гэр өөдөө алхжээ. Тэр дараа нь, өөртөө их итгэлтэй байсан болон гэртээ харихаар ганцаараа явж байгаа нь сайхан санагдсан гэж билээ. Хүү маань бараг нэг километр шахам газар явчихаад байхад харанхуй болж эхэлсэн гэнэ. Гэрээсээ нэлээд хол байгаагаа мэджээ.

Хажуугаар нь өнгөрөх машинуудын гэрэл нулимс цийлэгнэх нүдэнд нь бүдэгхэн харагдаж байсныг тэр одоо ч санадаг. Тэр ганцаараа гэр өөдөө алхаж эхэлсэн мөнөөх өөртөө итгэлтэй хөвгүүн биш, харин бяцхан хүүхэд шиг санагджээ. Тэр өөрт нь туслалцаа хэрэгтэйг сая ойлгожээ. Санаанд нь нэг зүйл орж ирсэн нь залбирах хэрэгтэй гэсэн бодол байв. Тэгээд хүү маань замаас гараад, харанхуйд арай л гэж харагдах хэдэн модны зүг алхжээ. Өвдөг сөхрөн суух нэг газрыг олсон гэнэ.

Гэнэт бутны цаанаас хүний дуу гарахад тэрээр түүнийг чиглэн ирж яваа хүмүүсийг

олж харав. Хоёр залуу хүн түүний уйлахыг сонсжээ. Тэд ойртож ирэх зуураа, “Бид чамд туслах уу?” гэхэд хүү маань нулимс асгаруулан төөрсөн тухайгаа бас гэртээ харихаар явж байгаагаа хэлсэн гэнэ. Гэрийнхээ утасны дугаар, хаягийг мэдэх эсэхийг асуухад тэр мэдэхгүй гэжээ. Түүний нэрийг тэд асууж мэдэв. Тэгээд тэд хүүг маань ойролцоох гэртээ дагуулан аваачжээ. Тэд утасны номноос манай хаягийг олсон ажээ.

Хэн нэгэн утасдахад би хүүгээ авахаар яаран очиж билээ. Гэртээ харих гэж төөрсөн үед нь замд тааралдсан тэдгээр найрсаг хүмүүст би талархлаа илэрхийлэв. Хүү минь төөрсөн ч туслах хэн нэгэн ирнэ гэсэн итгэлтэйгээр залбирахыг түүнд зааж байсанд би байнга талархалтай байдаг. Тэр цагаас хойш итгэл нь түүний тоолж чадахаас идүү олон удаа түүнийг аюулгүй замаар хөтөлж, туслагчдыг ирүүлж байлаа.

Их Эзэн Өөрийн хаант улсад аврах загвар болон туслагчдыг байрлуулсан юм. Их Эзэн Өөрийн мэргэн ухаанаар, бид өсвөр насыг туулах үед зам дээр нь хамгийн сайн туслагчдыг байрлуулахад, биднийг бэхжүүлэх хамгийн үр нөлөөтэй арга замуудыг бий болгоход үйлчлэгч нараа удирдан чиглүүлдэг.

Их Эзэний бэлтгэж өгсөн үр нөлөөтэй хөтөлбөрийн хоёр чиглэлийг та нар мэднэ. Нэгдүгээрт, Залуу Эмэгтэйчүүдэд энэ нь “Хувийн Хөгжил Дэвшил” хэмээн нэрлэгддэг. Нөгөө нь, Аароны санваартнуудад зориулагдсан бөгөөд “Бурханы өмнө хүлээх үүрэг” хэмээн нэрлэгддэг. Бид өсвөр үеийнхээ залуусыг агуу сүнслэг хүч чадлыг бий болгох чадвараа олж харахыг хүсдэг. Эдгээр залуу үеийнхний төлөө санаа тавьдаг хүмүүсээс, Их Эзэн биднээс хүсдэг тэр л зүйлүүдийг тэдэнд туслахын тулд хийгээч гэж бид гуйж байна. Сүмийн ирээдүй тэднээс хамаарах учир бид бүгдээрээ санаа зовдог.

Дээрх хоёр хөтөлбөрийг сайжруулсан юм. Харин тэдгээрийн зорилго нь хэвээрээ байна. Ерөнхийлөгч Монсон бид “сурах ёстойгоо сурч, хийх ёстойгоо хийж, ямар хүн болох ёстой тийм л хүн болох ёстой”² хэмээн хэлсэн билээ.

Залуу эмэгтэйчүүдийн Хувийн Хөгжил Дэвшил ном нь уг зорилгыг тэдэнд

тодорхой хэлж өгдөг:

“Хувийн Хөгжил Дэвшлийн хөтөлбөр нь таныг өөрийнхөө хэн болох, та яагаад энд, дэлхий дээр байгаа болон Бурханы охины хувьд ариун сүмд явж, ариун гэрээнүүдийг байгуулахад бэлтгэхийн тулд юу хийх ёстойг зааж түүнийг бүрэн дүүрэн ойлгоход тань туслах Залуу Эмэгтэйчүүдийн эрхэмлэх найман чанарыг ашигладаг.”³

Энэ нь, залуу эмэгтэйчүүд “амлалтуудыг өгч, тэдгээрийг биелүүлэх болон хөгжил дэвшлээ эцэг эх, эсвэл удирдагчдаа илтгэх” болно гэж заадаг. Түүнчлэн “Хувийн Хөгжил дэвшлийн дагуу – залбирал, судраас суралцах, үйлчлэх өдрийн тэмдэглэл хөтлөх гэх мэт - ажилласнаар энэ нь хувийн өдөр тутмын хэвшил болох болно. Эдгээр хэвшил нь та нарын гэрчлэлийг нэмэгдүүлж мөн амьдралынхаа туршид сурч, хөгжиж дэвшихэд тань туслах болно”⁴ гэж амладаг.

Аароны санваартай залуу эрэгтэйчүүдэд зориулсан Бурханы өмнө хүлээх үүрэг хариуцлага хөтөлбөр илүү нөлөө бүхий энгийн болсон. Аароны санваарын гурван албан тушаалыг нэг энгийн номонд багтаах болно. Залуу эрэгтэйчүүд болон тэдний удирдагчид энэ шинэ номын хуулбарыг авах болно. Энэ ном нь хүчтэй туслах хэрэгсэл юм.

Энэ нь залуу хөвгүүдийн гэрчлэлийг болон Бурхантай харилцах харилцааг нь бэхжүүлэх болно. Энэ нь тэдэнд санваарын үүргээ мэдэж, биелүүлэхэд нь туслахын хамт эцэг эхтэйгээ харилцах харилцаа, чуулгын гишүүдийн хоорондын болон Залуу хөвгүүд, тэдний удирдагчдын хоорондын харьцааг бэхжүүлнэ.

Энэ хоёр хөтөлбөр нь хоёулаа залуу үеийнхэнд, хүч чармайлт гаргах агуу үүрэг хариуцлагыг ноогдуулдаг. Хэнд ч сорилт мэт санагдах тийм зүйлсийг хийж сурахад тэд уригдах болно. Би залуу эрэгтэй байсан үеэ эргэн санахад, надаас нэг ихийг шаардаж байсныг санахгүй байна. Цөөхөн удаа бэрхшээлийг давах туулахаар уригдаж байсан, гэхдээ тун цөөхөн удаа даа. Дээрх хөтөлбөрүүд шаргуу тэвчээр, хүч чармайлт, олон жилийн турш сүнслэг мэдрэмж хуримтлуулж, үргэлж суралцахыг шаарддаг.

Энэ талаар бодож үзээд, энэ авлагуудын агуулга нь залуучуудад мөн тэднийг хайрладаг бид бүгдэд байх ёстой Их Эзэнд итгэх итгэлийн бодит үзүүлэлт болохыг би ойлгосон. Тэрхүү итгэл зөвт хүмүүст төлөвшиж байгааг би харсан билээ.

Би тойргуудаар очихдоо Аароны санваартны чуулгуудын ажиллагаатай танилцдаг байсан. Залуу эрэгтэйчүүд суралцах загварыг дагаж, Бурхан тэднээс хийхийг хүсдэг зүйлийг тэд хийхээр төлөвлөгөө гарган, шийдсэн зүйлүүдээ хийж, сүнслэг байдлын хувьд хэрхэн өөрчлөгдсөнөө бусадтай хуваалцаж байхыг би харсан. Залуучууд хэрхэн бат бөх итгэлтэй болон төлөвшсөнөө гэрчлэхийг эцэг, эхчүүд, удирдагчид, найз нар нь, мөн цуглаанд ирэгсэд Сүнсийг мэдэрч байсныг би харж байсан. Залуучууд гэрчлэлээ хуваалцсанаар тэдэнд туслахыг хичээдэг хүмүүсийн итгэл мөн бэхэждэг.

Залуу эмэгтэйчүүдэд сүнсний хүч чадлыг хөгжүүлж, тэдэнд туслах боломжийг бидэнд олгодог загвар Залуу Эмэгтэйчүүдийн хөтөлбөрт байдаг. Хувийн Хөгжил Дэвшил нь Залуу Эмэгтэйчүүдийг ариун сүмийн ёслолуудыг хүлээн авахад бэлтгэдэг. Сүм дэх ээж эмээ нар болон тэдний эргэн тойрон дахь зөв шударга эмэгтэй хүн болгоны үлгэр жишээ тэдэнд тусалж чадна. Охиныхоо хийж байгаа бүх сайн болгоныг харж, тэр бүх зүйлд нь талархсанаар зорилго мөрөөдөлдөө хүрэхэд эцэг эх нь хэрхэн тусалсныг би харсан.

Хэдхэн хоногийн өмнө би нэг ээж залуу охинтойгоо хамт зогсоод гарамгай эмэгтэйчүүдийн үлгэр жишээ болсноор Залуу Эмэгтэйчүүдийн Батламж шагналыг хамтдаа авахыг нь би харсан. Энэ нь тэдэнд ямар чухал болох талаар тэднийг надтай хуваалцах үед Их Эзэн бид бүгдийг хэрхэн урамшуулан дэмждэгийг би мэдэрсэн билээ.

Эдгээр залуу хүмүүстээ өгч чадах бидний бүхий л тусламжаас хамгийн агуу нь, тэд Бурхан уруу гэртээ буцаж очих зам дээр байгаа бөгөөд тэд очиж чадна гэдэгт нь итгэлтэй байдлаа харуулж мэдрүүлэх явдал юм. Мөн тэдэнтэй мөр зэрэгцэн алхсанаараа бид үүнийг хамгийн сайнаар хийж чадна. Уг зам нь заримдаа огцом эгц, чулуурхаг учраас тэд заримдаа шантарч, бүр бүдэрч болзошгүй юм. Тэд

заримдаа зорьсон газрынхаа талаар будилж мөн мөнх байдлын хувьд чухал бус зорилгуудыг дагаж төөрч магадгүй. Эдгээр сүнслэг хөтөлбөрүүд нь залуу хүмүүсийг Ариун Сүнсний нөхөрлөлийг урьж, хүлээн авахад хүргэдэг учраас, уг хөтөлбөрийг дагавал төөрөх нь бага байх болно.

Биднээс залуу хүмүүст өгөх хамгийн сайн зөвлөгөө бол тэд Бурханы Сүнсээр л удирдагдан чиглүүлэгдсэнээр Тэнгэрлэг Эцэгтээ буцаж очиж чадна гэдгийг ойлгуулах явдал юм. Тиймээс, бид ухаалаг байх юм бол Сүнсний нөхөрлөлийг урих тэр болгоныг урамшуулж, магтаж, үлгэр жишээ болгож үзүүлэх болно. Залуу хүмүүс маань юу хийж, юуг мэдэрч байгаагаа бидэнтэй хуваалцах үед нь бид ч бас Ариун Сүнсний хамтрагчид байхаар өөрсдийгөө зохистой байлгах ёстой. Тэд бидний магтаал, инээмсэглэлээс Бурханы сайшаалыг мэдрэх болно. Хэрвээ бид залруулан зөвлөгөө өгөх хэрэгтэй бол бидний зөвлөгөөнөөс, тэднийг уруу татах Сатаны нөлөөнд авталгүйгээр буруутгал, дорд үзэгдсэн байдлыг бус харин тэд Бурханы болон бидний хайрыг мэдрэх болно.

Бидний үзүүлэх хамгийн чухал үлгэр жишээ бол тэдний хийх ёстой зүйлсийг өөрсдөө хийх явдал юм. Бид Сүнсний бэлгийн төлөө залбирч, судруудыг болон амьд бошиглогчдын үгсийг тунгаан бодох хэрэгтэй. Мөн бид зөвхөн хүсэл мөрөөдлөөр жигүүрлэх төдийгүй гэрээнүүд хийж, төлөвлөгөө гаргах хэрэгтэй. Тэгээд Бурханд өгсөн амлалтаа биелүүлэх хэрэгтэй. Бидний амьдралд ирсэн Цагаатгалын адислалын талаар бид бусадтай хуваалцаж, бусдыг өргөн босгох хэрэгтэй.

Их Эзэн тэднээс хүсэн хүлээдэг тэрхүү тууштай бөгөөд байнгын итгэлтэй байдлыг бид амьдралдаа харуулж, үлгэр жишээг үзүүлэх хэрэгтэй. Мөн бид ийнхүү үйлдсэнээр, манай залуучууд тууштай, итгэлтэй хэвээр байвал “. . . Сайн байна, итгэмжит сайн зарц минь! Чи цөөн юманд итгэмжтэй байсан тул чамд ихийг хариуцуулья. Эзэнийхээ баяр баясгаланд ор”⁵ хэмээн хэлэх Тэнгэрлэг Эцэг болон хайрт Аврагчийнхаа үгсийг сонсох болно гэсэн баталгааг Сүнснээс мэдрэхэд нь бид тэдэнд туслах болно. Тэдэнд тусалснаар бид тэдний үгсийг баяр баясалтайгаар сонсох болно.

Их Эзэн та нарт мөн Бурханы хүүхэд нэг бүрд хайртай гэдгийг би гэрчилж байна. Энэ нь, Бошиглогч Иосеф Смитээр дамжин ирсэн санваарын түлхүүрүүдээр сэргээгдсэн Түүний хаант улс юм. Томас С.Монсон бол өнөөдөр Их Эзэний бошиглогч. Та нар Есүс Христийн энэ үнэн Сүм дэх сүнсээр нөлөөлөгдсөн удирдамжийг дагавал, бидний хайрлаж тэдэнд тусалдаг манай залуучууд Тэнгэрлэг Эцэг болон Аврагчтай хамт, үүрдийн баяр баясалд гэр бүлтэйгээ амьдрахаар тэнгэрлэг гэр орондоо аюулгүй эсэн мэнд эргэж очих болно гэдгийг би та бүхэнд амлаж байна. Есүс Христийн нэрээр, амен.

ЭШЛЭЛ

1. 3 Нифай 14:13—14.
2. Томас С.Монсон, “To Learn, to Do, to Be,” *Лиакхона*, 2008 оны 11-р сар, 30.
3. Залуу Эмэгтэйчүүдийн Хувийн Хөгжил Дэвшил (гарын авлага, 2009),” . 6
4. Матай 25:21.